



XALQ DEPUTATLARI MUBORAK TUMAN KENGASHI Q A R O R I

2022 - yil 4 - noyabr

VI-49-180-4-64-K/22

Muborak tuman hokimligi

Muborak tuman mahalliy byudjetining 3-chorakda qo'shimcha tushgan mablag'larini yo'naltirish to'g'risida

O'zbekiston Respublikasi "Byudjet kodeksi"ning 126-moddasiga asosan Muborak tuman mahalliy byudjetining 3-chorakda qo'shimcha tushgan mablag'larini yo'naltirish to'g'risida tuman moliya bo'limi boshlig'i B.Sodiqovning taklifini inobatga olib, "Mahalliy davlat hokimiyati to'g'risida"gi O'zbekiston Respublikasi Qonunining 6-va 24-moddalariga asosan Xalq deputatlari Muborak tuman Kengashi

QAROR QILADI:

1. Muborak tuman mahalliy byudjetining 2022-yil 3-chorakda qo'shimcha tushgan mablag'lari hisobidan birinchi navbatda O'zbekiston Respublikasi Prezidentining tashrifi doirasida berilgan topshiriqlar ijrosini ta'minlash, ijtimoiy va iqtisodiy soxalarni rivojlantirishga, tumanning infrastrukturasi yaxshilashga O'zbekiston Respublikasi Vazirlar Mahkamasining «Yoshlar muammolarini o'rganish va xal etish tizimini yanada takomillashtirish chora tadbirlari to'g'risida»gi 2022-yil 7-iyundagi 312-sonli qaroriga asosan "Yoshlar daftari"ga kiritilgan yoshlarni qo'llab quvvatlash jamg'armasiga, O'zbekiston Respublikasi Vazirlar Mahkamasining «Xotin-qizlar muammolarini o'rganish va xal etish tizimini yanada takomillashtirish chora tadbirlari to'g'risida»gi 2022-yil 31-martdagi 145-sonli qaroriga asosan "Ayolar daftari"ga kiritilgan ayollarni qo'llab quvvatlash jamg'armasiga, tuman Saxovat va ko'mak «Temir daftari» jamg'armasi xarajatlariga va O'zbekiston Respublikasi Prezidentining "byudjet jarayonida fuqorolarning faol ishtirokini ta'minlash bo'yicha qo'shimcha chora-tadbirlari

to'g'risida"gi 2021 yil 13 apreldagi PQ-5072-son qaroriga asosan byudjet jarayonini shaffofligi va ochiqligini ta'minlash maqsadida "Ochiq byudjet" "Fuqorolar tashabbusli jamg'armasi" tizimi ishga tushirilgan bo'lib, tuman mahalliy byudjetiga

3-chorakda qo'shimcha tushgan mablag'larining 30 foizi jamoatchilik fikri va takliflari asosida yo'naltirish ko'zda tutilayotgan mablag'lar bo'yicha takliflari 1-ilovaga muvofiq ma'qullansin.

2. Tuman hokimining birinchi o'rinbosari (S.Safarov), tuman hokimligi moliya bo'limi mudiri (B.Sodiqov) bilan birgalikda:

bir hafta muddatda mazkur qarorning 1-ilovasiga muvofiq ko'zda tutilgan tadbirlarni o'z vaqtida moliyalashtirish uchun tuman hokimining qarorlari loyihalarini tayyorlash;

O'zbekiston Respublikasining "2022-yil uchun O'zbekiston Respublikasining Davlat byudjeti to'g'risida"gi Qonuni va O'zbekiston Respublikasi Byudjet kodeksi talablari asosida tuman mahalliy byudjetining tasdiqlangan parametrlariga belgilangan tartibda tegishli o'zgartirishlar kiritsin;

ajratilgan maqsadli mablag'larni o'z vaqtida va samarali ishlatilishi yuzasidan moliyaviy hisobotlar asosida tizimli o'rganish hamda o'rganish natijalariga ko'ra, ishlatilmagan va iqtisod qilingan mablag'larni tuman mahalliy byudjetiga qaytarish choralari ko'rsin;

3. Tuman g'aznachilik bo'limi boshlig'i (A.Nurmatov) ajratiladigan mablag'larni o'z vaqtida xarajatlarni belgilangan tartibda amalga oshirilishini ta'minlasin.

4. Mazkur qaror ijrosining nazorati Xalq deputatlari tuman Kengashining Mahalliy byudjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi raisi Sh.Abdullayev hamda tuman hokimining birinchi o'rinbosari S.Safarov zimmasiga yuklatilsin.

5. Mazkur qaror qabul qilingan kundan e'tiboran kuchga kiradi.

Kengash raisi



A.O.Aripov

Xalq deputatlari Muborak tuman
Kengashining
2022 yil 4 noyabrdagi
VI-49-180-4-64-K/22-son qaroriga
1-ilova

**Muborak tuman mahalliy byudjetining 2022 yil 3-choragida qo‘shimcha
tushgan mablag‘larini yo‘naltirish to‘g‘risida**

№	Tadbirlar nomi	Mablag‘ yo‘naltirishning maqsadi	Mln so‘mda
1	Tuman hokimligiga	O‘zbekiston Respublikasi Prezidentining 2018 yil 22 avgustdagi PQ-3917-sonli “Byudjet ma’lumotlarining ochiqligini va byudjet jarayonida fuqarolarning faol ishtirokini ta’minlash chora-tadbirlari to‘g‘risida”gi hamda 2021 yil 13 apreldagi "Byudjet jarayonida fuqarolarning faol ishtirokini ta’minlash bo‘yicha qo‘shimcha chora-tadbirlar to‘g‘risida"gi PQ-5072-sonli qarorlarining ijrosi ta’minlash maqsadida tuman hokimligi qoshida ochilgan “Ochiq byudjet” “Fuqarolar tashabbusi jamg‘armasi”ga	751 844.0
2	Tuman hokimligiga	O‘zbekiston Respublikasi Vazirlar Mahkamasining “Yoshlar muammolarini o‘rganish va xalq etish tizimini yanada takomillashtirish chora tadbirlari to‘g‘risida”gi 2022 yil 07 iyundagi 312-sonli qaroriga asosan “Yoshlar daftari”ga kiritilgan yoshlarni qo‘llab quvvatlash xarajatlariga	375 922.0
3	Tuman hokimligiga	O‘zbekiston Respublikasi Vazirlar Mahkamasining “Xotin-qizlar muammolarini o‘rganish va xalq etish tizimini yanada takomillashtirish chora tadbirlari to‘g‘risida”gi 2022 yil 31 martdagi 145-sonli qaroriga asosan “Ayolar daftari”ga kiritilgan ayollarni qo‘llab quvvatlash xarajatlariga	250 615.0
4	Tuman hokimligiga	Tumandagi kam ta’minlangan oilalar, xotin-qizlar va yoshlarni qo‘llab quvvatlash uchun Saxovat va ko‘mak «Temir daftari» jamg‘armasi xarajatlariga yo‘naltirishga	100 000.0
		Jami	1 478 381.0

Byudjet tashkilotlariga ajratilgan mablag‘lar miqdoriga yakuniy hisob-kitoblar va loyiha-smeta hujjatlariga asosan o‘zgartirish kiritilishi mumkin.